

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNI SUD U SARAJEVU
Broj: 09 0 U 037281 20 U
Sarajevo, 01.06.2021. godine

8.10.66/21
7.6.2021.

Kantonalni sud u Sarajevu, sudija Danijela Mikić, u upravnom sporu tužitelja Udruženje za borbu protiv korupcije „Transparency International u BiH“, Banja Luka, ulica Gajeva broj 2, zastupan po Srđanu Blagovčaninu, predsjedavajućem Upravnog odbora, protiv tuženog Javna ustanova Muzej „Alija Izetbegović“, ul. Evlije Čelebije bb. Sarajevo, zastupana po zakonskom zastupniku direktoru Nadi Berberović-Dizdarević, a ista zastupana po Bajraktarević Arminu advokatu iz Sarajeva, radi poništenja akta broj: 40-01-475/20 od 07.09.2020. godine, u predmetu slobodan pristup informacijama, dana 01.06.2021. godine, donio je:

RJEŠENJE

Postupak se obustavlja.

Obrazloženje

Tužbom od 22.09.2020. godine tužitelj je predložio da sud postupajući po ovoj tužbi, istu usvoji, poništi pobijani akt tuženog Javne ustanove Muzej „Alija Izetbegović“ broj: 40-01-475/20 od 07.09.2020. godine i naloži da se tužiocu omogući slobodan pristup traženim informacijama u cijelosti na način da mu se informacije o njegovom trošku dostave na poštansku adresu.


Tuženi je u odgovoru pored ostalog istakao da je dana 04.05.2021. godine, a u skladu sa članom 26. Zakona o upravnim sporovima donio novi akt broj 40-01-251/21 i akt broj 40-01-252/21 kojim aktima se stavlja van snage akt protiv koga je pokrenut upravni spor i kojim aktima je postupljeno po zahtjevu tužitelja. Tuženi je predmetne akte dostavio tužitelju i na taj način je tužitelju dostavio tražene informacije.

Podneskom od 12.05.2021. godine sud je obavijestio tužitelja da je u toku vođenja upravnog spora, ovom sudu od strane tuženog dana 07.05.2021. godine dostavljena novodonesena odluka broj: 40-01-251/21 od 04.05.2021. godine, kojim je stavljen van snage akt JU Muzej „Alija Izetbegović“ broj: 40-01-475/20 od 07.09.2020. godine, protiv kojeg je po tužbi pokrenut upravni spor. Isto tako ovom sudu je dostavljen od strane tuženog i dopis broj: 40-01-252/21 od 04.05.2021. godine u predmetu dostava informacije veza br. 02-122 JU-350, kojim je takođe stavljen van snage akt Javna ustanova Muzej „Alija Izetbegović“ broj: 40-01-475/20 od 07.09.2020.godine, nazvan Odgovor na žalbu zbog ćutanja uprave. Vezano za navedeno tužitelj je pozvan da u smislu člana 26. Zakona o upravnim sporovima, ovom sudu u roku od 15 dana od dana prijema, pozivom na broj gornji, dostavi izjašnjenje da li je naknadno donesenim upravnim aktom zadovoljan ili ostaje pri tužbi i u kom obimu, odnosno da li tužbu proširuje i na novi upravni akt. U protivnom sud će donijeti rješenje o obustavljanju postupka, ako je tužitelj novim upravnim aktom zadovoljan ili ako ne da izjavu u roku od 15 dana, a ako izjavi da novim upravnim aktom nije zadovoljan, sud će nastaviti postupak.

Podneskom od 26.05.2021. godine tužitelj je obavijestio sud da je zadovoljan naknadno donesenim upravnim aktom tuženog, te da smatra da je njegovom zahtjevu za slobodnim pristupom informacijama udovoljeno.

S obzirom da je tužitelj obavijestio sud da je zadovoljan u smislu člana 26. Zakona o upravnim sporovima sa novodonesenim aktom tuženog, sud je primjenom člana 26. stav 2. Zakona o upravnim sporovima („Službene novine Federacije Bosne i Hercegovine“, broj: 9/05), donio odluku kao u-izreci.

Sudija
Danijela Mikić



POUKA: Protiv ovog rješenja nije dozvoljena žalba.